

Utaqqiisaasumik inissiani ineqartitaanerup il.il. akileraarusersuiffigineqarnera pillugu paasisutissaq (pisortanit atugassiissutigineqartumik)

Inatsisartut 2012-imi ukiakkut ataatsimiinnerminni akuersissutigivaat utaqqiisaasumik inigisassaq sioqqullugu inissiani ineqartitaanerit aammalu utaqqiisaasumik inissiani ineqartitaanerit nalingi uki-oq isertitaqarfiusoq 2013 allarnerfigalugu akileraarusersorneqartalissasut. Utaqqiisaasumik inigisassaq sioqqullugu inissiat aammalu utaqqiisaasumik inissiat ima paasineqassapput inissiat, taakku- nunnga ilanngullugit ineeqqat, inissiaaqqat il.il. atorfinitsitaanermut atatillugu ineqartinneqarneq si- oqqullugu inissiat atugassanngortinneqarsimasut.

Inatsisartut ukioq isertitaqarfiusoq 2022 aallarnerfigalugu aningaasarsianit akileraarutit pillugit Inatsisartut inatsisaannik allannguipput.

Tamanna isumaqarpoq akeqanngitsumik utaqqiisaasumik najugaqarallartunulluunniit ineqartitsinerup nalinga allannguuteqartoq. Pisortanit atugassiissutigineqartumik akeqanngitsumik najugaqarallartunut utaqqiisaasumik najugaqarallartunulluunniit ineqartitsinerup nalinga inissiap angissusaa malillugu qaammammut makkununnga aalangersarneqarpoq:

- 1) Inoqutigiinni ilaasut saniatigut allat igaffimmi imaluunniit perusersartarfimmi atortorissaarutinut atuisinnaatitaappata, inimut imaluunniit ineeqqamut ataatsimut 1.000 kr.
- 2) Inissiani immikkoortuni 1-imik imaluunniit 2-nik initalinni 2.000 kr.
- 3) Inissiani immikkoortuni 3-nik initalinni 2.500 kr.
- 4) Inissiani immikkoortuni 4-nik initalinni 3.500 kr.
- 5) Inissiani immikkoortuni 5-inik amerlanernilluunniit initalinni 4.500 kr.

Akiligassat qaffasissusii aalangersarneqarput aningaasarsianit akileraarutit pillugit inatsisip allannguutaani nr.11, 1. december 2021-meersumi, § 19 a, imm. 4 naapertorlugu.

Malugiuk

Ukioq isertitaqarfiusoq 2023 aallarnerfigalugu naligitat akigititanik naleqqussaanermut procentiliussamik iluarsineqassapput. Nalingi koruunit aningaasartaannut iluitsumut qaninnermut annikillisinneqassapput. Akileraartarnermut ingerlatsiviup ukiup isertitaqarfiusup annertussusiliussat atuuffissaata siuliani kingusinnerpaamik qaammatisiutit malillugit ulloq 10. oktobari ukiumut isertitaqarfiusumut annertussusiliussat atuuttut ukiumoortumik nalunaarutigisassavai. Nalunaarut takuuk uani: www.aka.gl

Utaqqiisaasumik inissiani akeqanngitsumik ineqartitsinerit aningaasarsiatut B-tut nalunaarutiginis-saat sulisitsisup akisussaaffigaa ukiumut aningaasarsiorfiusumut 2022-mut. Ukiumoortumik akissarsiaritit il.il. pillugit paasisutissanik nalu- naaruteqarnermut atatillugu nalunaaruteqarneq pissaaq.

Ukioq isertitaqarfiusoq 2023-miit akeqanngitsumik utaqqiisaasumik najugaqarallartunulluunniit ineqartitsinerup nalinga aningaasarsiatut A-tut ilanngunneqartalissapput, inatsimmi allannguummi nr. 11, 1. december 2021-meersumi §1, nr. 18, malillugu.